

毛澤東評點《智囊》

第七分冊

官版

智囊

と。

七

智囊卷十三之十五

捷智部總叙

馮子曰。成大事者。爭百年。不爭一息。然而一息固
百年之始也。夫事變之會。如火如風。愚者犯焉。稍
覺。則去而違之。賀不害斯已矣。今有道於此。能返
風而滅火。則雖拔木燎原。適足以試其伎。而不驚。
嘗試譬之足力。一里之程。必有先至。所爭踰刻耳。
累之而十里百里。則其爲刻彌多矣。又况乎智之
遲疾。相去不啻千萬里者乎。軍志有之。兵聞拙速。

吾兄
其人
笑矣

未聞巧之久。夫速而無巧者必久而愈拙者也。今
有徑尺之樽。寘諸通衢。先至者得醉。繼至者得嘗。
最後至則乾唇而返矣。葉葉而摘之。窮日不能髡
一樹。秋風下霜。一夕零落。此言造化之捷也。人若
是其捷也。其靈萬變而不窮於應卒。此惟敏悟者
庶幾焉。嗚呼。事變之不能停而俟我也。審矣。天下
亦烏有智而不捷。不捷而智者哉。

捷智部靈變卷十三

鮑叔

管夷吾

漢高帝

晉明帝

爾朱敞

韋孝寬

宗典等

王羲之

徐敬業

吳郡卒

元伯顏

陳平

劉備

崔巨倫

倉卒治盜

張佳胤

羅巡撫

沈括

河清卒

呂頤浩

段秀實

黃震

趙葵

周金

徐文貞

王守仁

顧玠

胡典

張浚

張詠 徐達

顏真卿 李揆

顧琛

李迪

叛卒 叛將

曹克明

大史慈

涿人楊四

李文達

周文襄

韓襄毅

捷智部靈變卷十三

一、日、百、戰、成、敗、如、絲、三、年、造、車、覆、於、臨、時、去、凶、卽、
吉、匪、夷、所、思、集、靈、變

○鮑叔

公子糾走魯公子小白奔莒。既而國殺無知。未有君。
公子糾與公子小白皆歸。俱至。爭先入。管仲扞弓射
公子小白。中鉤。鮑叔御公子小白。僵。管仲以爲小白
死。告公子糾曰。安之。公子小白已死矣。鮑叔因疾驅
先入。故公子小白得以爲君。鮑叔之智。應射而令公

子僵也。其智若鏃矢也。

王守仁以疏救戴銑。廷杖謫龍場驛。守仁微服疾驅過江。作弔屈原文。見志。尋爲投江絕命詞。佯若已死者。詞傳至京師。時逆瑾怒。猶未怠。擬遣客間道往殺之。聞已死。乃止。智與鮑叔同。

○管夷吾

齊桓公因鮑叔之薦。使人請管仲于魯。施伯曰。是固○智○士○將用之也。夷吾用于齊。則魯危矣。不如殺而以屍授之。魯君欲殺仲。使人曰。寡君欲親亦會語以爲戮。如得屍。猶

未得也。乃束縛而檻之，使役人載而送之齊。管子恐魯之追而殺之也，欲速至齊。因謂役人曰：「我爲汝唱，汝爲我和。其所唱適宜，走役人不倦，而取道甚速。」

呂不韋曰：「役人得其所欲，管子亦得其所欲。」陳明卿曰：「使桓公亦得其所欲。」

○漢高帝

楚漢久相持未決。項羽謂漢王曰：「天下洶洶，徒以我兩人願與王挑戰決雌雄，毋徒罷天下父子爲也。」漢王笑謝曰：「吾寧鬪智，不能鬪力。」項王乃與漢王相與。

臨廣武間而語。漢王數羽罪十。項王大怒。伏弩射中漢王。漢王傷胸。乃捫足曰。虜中吾指。漢王病創臥。張良彊起行勞軍。以安士卒。毋令楚乘勝于漢。漢王出行軍。病甚。因馳入成皐。

小白不僵而僵。漢王傷而不傷。一時之計。俱造百世之業。

○晉明帝

王敦將舉兵內向。明帝密知之。乃乘巴賓駿馬微行。至于湖陰。察敦營壘而出。有軍人疑明帝非常人。又

敦正晝寢夢日環其城驚起曰此必黃鬚鮮卑奴來也。帝母荀氏燕代人帝狀類外氏鬚黃故云於是使五騎物色追帝。帝亦馳去見逆旅賣食嫗以七寶鞭與之曰後有騎來可。以此示俄而追者至問嫗嫗曰去已遠矣因以鞭示之五騎傳翫稽畱良久帝遂免。

○爾朱敞

齊神武韓陵之捷盡誅爾朱氏榮族子敞

字乾羅小彥伯子

隨母養于宮中及年十二自竇而走至大街見羣兒戲敞解所着綺羅金翠之服易衣而遁追騎尋至便

執綺衣兒。比寃問，非是。會日暮，遂得免。

○韋孝寬

尉遲迥先爲相州總管，詔韋孝寬代之。又以小司徒叱列長文爲相州刺史，先令赴鄴。孝寬續進至朝歌，迥遣其大都督賀蘭貴齋書候孝寬。孝寬畱貴與語，以察之。疑其有變，遂稱疾徐行。又使人至相州求醫藥，密以伺之。旣到湯陰，逢長文奔還。孝寬密知其狀，乃馳還。所經橋道皆令毀撤。驛馬悉擁以自隨。又勸驛將曰：蜀公將至，可多備餽酒及芻粟以待之。迥果

遣儀同梁子康將數百騎追孝寬驛司供設豐厚所經之處皆輒停畱由是不及。

○○宗典等

晉元帝叔父東安王繇爲成都王穎所害懼禍及潛出奔至河陽爲津吏所止從者宗典後至以馬鞭拂之謂曰舍長官禁貴人而汝亦被拘耶因大笑繇是得釋。

宇文泰與侯景戰泰馬中流矢驚逸泰墜地東魏兵及之左右皆散李穆下馬以策擊泰背罵之曰籠凍

軍士爾曹主何在。而獨畱此。追者不疑是貴人。因捨而過。穆以馬授泰。與之俱逸。

王廞之敗。沙門曇永匿其幼子華。使提衣襪自隨。津邏疑之。曇永呵華曰。奴子何不速行。捶之數。繇曰。是得免。

○王羲之

此乃似誤。結重

王右軍幼時。大將軍甚愛之。恒置帳中眠。大將軍嘗先起。須臾錢鳳入屏。人論逆節事。都忘右軍在帳中。右軍覺。既聞所論。知無活理。乃剔吐汚頭面。被褥詐。

熟眠。敦論事半。方悟。右軍未起。相與大驚曰。不得不除之。及開帳。乃見吐唾縱橫。信其實熟眠。由是得全。○○徐敬業歲

徐敬業十餘歲。好彈射。英公每曰。此兒相不善。將赤吾族。常因獵。命敬業入林。趨獸。因乘風縱火。意欲殺之。敬業知無所避。遂屠馬腹。伏其中。火過。浴血而立。英公大奇之。

凡子弟負跂踵之奇者。恃才不檢。往往爲家門之禍。如敬業破轅之兆。見于童牛。英公明知其爲族